



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 138. Idem a Calvinistis ad pristinos suos errores revocatus.

[urn:nbn:de:hbz:466:1-66800](https://nbn-resolving.de/urn:nbn:de:hbz:466:1-66800)

tias, & priora edita in eum pronuntia-
 ta, esse nulla comprobare nitebatur, de-
 nique judicum animis ad miserationem
 inclinatis sermonem suum absolvit, sui
 clientis nomine petens, ut rursus in Ec-
 clesiæ sinum reciperetur: cum ergo ip-
 semet quoque Burgus hanc sibi mentem
 esse assereret, duo Senatores ad Regem
 deputabantur, qui eundem de rei con-
 versione, fictitia licet, certiorem redde-
 rent, ac totius societatis nomine illius
 clementiam implorarent.

Sæcul. XVI.

A C 1559.

§. CXXXVIII.

*Idem a Calvinistis ad pristinos suos er-
 rores revocatus.*

Verum Calvinistæ, cum hanc socii sui *Thuan. l. 23.*
 mutationem sibi funestam fore per-
 timescerent, subdole quemdam suæ sectæ
 Ministrum nomine Joannem Malonum
 olim Carmelitam ad carceres immittunt,
 atque per hunc Burgum, ut in senten-
 tia sua perfisteret, nec turpi tergiversa-
 tione Dei caussam desereret, hortaban-
 tur, eumque simul monebant, ut in Deo,
 qui ipsum minime deserturus esset, nec
 in hominibus præsidium reponens per-
 severaret, neque vitam temporariam
 sempiternæ beatitudini præferret: in-
 super ei suggerunt, quod tunc, si con-
 stantiam, animique firmitatem retine-

n. 5.

Q 5 ret,

Sæc. XVI. ret, illum Judices, quantumvis infesti,
A.C 1559. minime damnare ausuri forent: si vero
 Deus aliter decrevisset, maneret ei æ-
 terna gloria, cum ipse coram Deo cum
 Angelis in Beatorum cœtu triumpha-
 ret, ac apud homines egregium virtu-
 tis omnibus etiam amplissimis promissis
 anteferendæ exemplum relinquere: hinc
 sollicitationes amicorum missas ficeret,
 qui corpori ejus, non autem animæ, &
 existimationi consulerent, quin potius
 se constanter ad certamen forti, & in-
 trepida conscientia capeſſendum accin-
 geret. Prævaluere adversus amicorum
 consilia hæ voces, & Burgus mutata
 animi sententia scriptis ad Parisiensem
 Curiam literis testabatur, se non vitæ
 conservandæ, ac producendæ cauſa his
 juris remediis uſum, ſed id factum, ne
 quid prætermiſſe videretur, quod ad
 jus ſuum tuendum pertineret, & ut, quo
 ſæpius cauſa diuiffa eſſet, eo magis
 veritas illuſtraretur: igitur porrecto Cu-
 riæ libello priorem confessionem ut am-
 biguam revocavit, & novam proſuſ
 cum Genevensi conſonam proposuit, in
 qua vehementer contra Pontificem de-
 bacchatus eſt.

§. CXXXIX.
*Minarius Praes e Palatio domum re-
 dux ſclopeto trajecitus.*

Sub